

# BULETIN MIMBAR 2019

BIL 145 (02/2019) APRIL-JUN

PERCUMA



**“Kita bersedekah pada bulan Ramadan dan berbuka puasa bersama-sama dengan berkongsi rezeki menggambarkan Islam itu prihatin.”**

YANG AMAT BERHORMAT DATUK PATINGGI (DR) ABANG HAJI ABDUL RAHMAN ZOHARI  
BIN TUN DATUK ABANG HAJI OPENG  
Ketua Menteri Sarawak  
merangkap Pengurusi, Lembaga Amanah Kebajikan Masjid Negeri Sarawak

# SIDANG RIDAKSI

## PENAUNG

Yang Berbahagia Tan Sri Datuk Amar Haji Bujang bin Mohd Nor  
Setiausaha Kehormat  
Lembaga Amanah Kebajikan  
Masjid Negeri Sarawak

## PENASIHAT

Tuan Haji Mohamad Sabry bin Haji Othman  
Pengurus Besar  
Lembaga Amanah Kebajikan  
Masjid Negeri Sarawak

## EDITOR

Megawati binti Haji Julaihi  
Ketua, Sektor Pentadbiran dan Pengurusan

Nona Zaharia binti Fadzil  
Ketua, Sektor Korporat dan Kewangan

## PENGARANG

Noratini binti Sebri  
Ketua, Bahagian Pengurusan Sumber Manusia

Haryati binti Mohamad  
Ketua, Bahagian Penyelidikan dan Pembangunan

Haji Poniman bin Margiman  
Ketua, Bahagian Keselamatan

## PENOLONG PANEL EDITOR

Rahimah binti Ariffin, Guru MATTARY  
Misiah binti Wajhi, Guru MATTARY  
Azlyn binti Abdul Rahman, Guru MATTARY  
Nurul Ihsan binti Bohari, Guru MATTARY



لِمَبَاكِ اَمَانَةُ كَبِيْرَىٰ مَسْجِدِ نَكْرُوْنَ سَارَوَكَ  
LEMBAGA AMANAH KEBAJIKAN MASJID NEGERI SARAWAK

## Wacana Pengarang

Dengan nama Allah Yang Maha Pemurah Lagi Maha Penyayang, syukur atas segala limpah kurniaan Nya kepada kita. Selawat dan salam buat Baginda Rasulullah SAW, kepada ahli keluarga Baginda, para sahabat Baginda.

## Assalamualaikum warahmatullahi wabarakatuh

Para pembaca yang dikasih dan dirahmati Allah S.W.T.,

Alhamdulillah, bersyukur ke hadrat Allah S.W.T., kerana dengan izin-Nya kita dipertemukan sekali lagi dengan bulan yang penuh keberkatan iaitu bulan Ramadan al-Mubarak.

Pengarang ingin mengambil kesempatan sempena kedatangan Ramadan 1440 Hijrah ini dengan mengucapkan selamat menjalani ibadah puasa kepada semua pembaca khususnya yang beragama Islam.

Pada bulan Ramadan yang mulia ini, pengarang menyeru agar kita semua mengambil peluang menguatkan lagi semangat “muafakat” serta meneliti segala peranan dan perancangan pembangunan kendiri yang mantap untuk agama Islam yang kita cintai.

Semangat ini boleh disemarakkan melalui program-program yang diadakan sepanjang bulan Ramadan di Masjid Jamek Negeri Sarawak dan Masjid Bandaraya Kuching seperti majlis berbuka puasa, sembahyang sunat tarawih berjemaah, tadarus al-Quran, iktikaf dan banyak lagi yang merupakan ibadah yang dapat menambahkan amalan di samping menguatkan lagi hubungan sesama kita.

Selain itu, kita juga digalakkan untuk banyak bersedekah dan mengeluarkan zakat bagi mengejar ganjaran pahala yang besar dan memenuhi tuntutan agama. Ini dapat dibuktikan melalui hadis dari Ibnu Abbas R.A. katanya: “Rasulullah S.A.W. adalah seorang yang paling dermawan, dan sifat dermawannya itu lebih menonjol pada bulan Ramadan yakni ketika ditemui Jibril A.S. Biasanya Jibril A.S menemuinya pada setiap malam bulan Ramadan, dibawanya mempelajari al-Quran. Maka Rasulullah S.A.W. lebih murah hati melakukan kebaikan dari angin yang bertiup.” (HR Bukhari).

Akhir kalam, marilah kita bersama-sama memanfaatkan sepenuhnya fadilat yang ada di bulan Ramadan agar ia dapat dijadikan sebagai amalan berterusan dan semoga amalan serta usaha kita akan dikurniakan ganjaran sewajarnya daripada Allah S.W.T. In Sha Allah.

Sekian, wassalam.

# KANDUNGAN BULETIN MIMBAR EDISI 145 APR-JUN 2019)

145

4	DARI HULU KE MUARA Masjid Darul Ikhsan, Kampung Tanjung Tuang	13	Berita Bergambar
5	Imarah Masjid & Surau	14	Seruan Mimbar
6	Taklimat Ihya Ramadan	16	Sambutan Hari Guru MATTARY
7	Lawatan dari Majlis Ugama Sabah	18	Majlis Tilawah Al Quran & Hafazan, Pusat Kecemerlangan MASJA-SA
8	Program Israk Mikraj & Nuzul Al Quran	21	Hari Sukan TATTARY
9	Bengkel Pemantapan Imam & Bilal LAKMNS	22	Majlis Khatamal Quran Putera- Puteri MATTARY
10	Kursus Induksi Kakitangan LAKMNS, Siri 3	27	Profil Warga LAKMNS
11	Latihan Firedrill Kompleks PATARY	28	Sudut Hafiz Cilik



# Oulu Ke Muara

Masjid Darul Ihsan, Kampung Tanjung Tuang merupakan salah satu masjid yang terletak di Kota Samarahan.

Kedudukannya terletak di kedudukan yang begitu strategik di mana perhubungan dan pengangkutan mudah dilalui. Penduduk Kampung Tanjung Tuang dianggarkan sekitar 600 orang. Pada awal tahun 60-an, Masjid mula dibina selepas pilihanraya pertama Sarawak. Peruntukan binaan Masjid disumbangkan oleh Yang Berhormat Datuk Mohamad Musa ketika itu.



Gambar bangunan lama Masjid Darul Ihsan

Justeru itu, berdasarkan maklumat dari penduduk kampung, masjid lama ini telah diserahkan kepada Tadika Kemas pada tahun 80-an. Kemudian Masjid Darul Ihsan yang baru dibina pada tahun 1983 di atas tanah waqf. Pada mulanya Masjid ini dibina bertiang tinggi dan bertangga untuk mengelakkan keadaan bencana bila berlaku banjir.

Masjid turut diubahsuai dan dinaiktaraf beberapa kali untuk memberikan keselesaan terhadap para Jemaah yang beribadah. Kini Masjid telah diperbaharui dengan binaan batu dan simen di bahagian atas dan bawah tiang serta dinding.



Ruang tengah masjid yang masih mengekalkan binaan tiang belian.




Gambar bangunan baru Masjid Darul Ihsan

Reka bentuk masjid ini bercirikan senibina tradisional lama dan penambahan ruang solat dan tempat wuduk. Ruang tengah masjid masih mengekalkan binaan tiang belian dan kayu di penjuru ruang atas. Kesenian khat ayat-ayat al-Quran di dinding mihrab serta sudut kiri dan kanan masjid menambahkan keceriaan dalamnya. Masjid Darul Ihsan mempunyai beberapa kemudahan prasarana seperti Bilik Utiliti, Ruang Mesyuarat, Sudut Majlis Ilmu dan riadah. Di samping itu, kemudahan urusan jenazah seperti peralatan Mandi Jenazah turut disediakan oleh jawatankuasa masjid kepada penduduk kampung.



Tulisan khat di dinding mihrab



## Imarah Masjid dan Surau

Program Lawatan Silaturahim, Penyebaran Maklumat dan Pengimaran Masjid dan Surau yang dilaksanakan oleh Unit Penyelaras Kegiatan, Bahagian Masjid – Masjid, Lembaga Amanah Kebajikan Masjid Negeri Sarawak diteruskan dalam Bulan April hingga Jun 2019.

Oleh yang demikian, beberapa buah surau dikunjungi sempena program ini yang bertujuan untuk mengeratkan jalinan ukhuwah di samping berkongsi maklumat mengenai Lembaga Amanah Kebajikan Masjid Negeri Sarawak. Hanya 3 buah surau yang dapat dikunjungi sepanjang 3 bulan tersebut kerana sibuk dengan sambutan Ramadan dan Syawal. Destinasi yang telah diziarahi ialah :

1. Surau Wastu An Nahri, Kampung Tengah Sungai, Batu Kawa – 5 April 2019
2. Surau Darul Taqwa, Kampung Selang Laut, Kuching – 12 April 2019
3. Surau Darul Ibadah, Kampung Bako Ulu, Kuching – 26 April 2019



Pengisian program memuatkan beberapa acara yang dimulai dengan kata aluan jawatankuasa masjid atau surau. Kemudian disusuli dengan Taklimat ringkas oleh Pegawai Unit Penyelaras Kegiatan mengenai latar belakang, peranan dan aktiviti di bawah Lembaga Amanah Kebajikan Masjid Negeri Sarawak.

Acara juga diselitkan dengan Tazkirah Agama mengenai Kepentingan Mengimarkan Masjid yang disampaikan oleh Ustaz Zaimi bin Sakawi. Semoga dengan adanya pengisian program ini dapat meningkatkan persefahaman di antara institusi Masjid dan pihak Lembaga.



## MAJLIS TAKLIMAT IHYA RAMADAN

Majlis Taklimat Ihya' Ramadhan telah diadakan pada 04 Mei 2019 iaitu pada hari Sabtu bermula jam 9.00 pagi bertempat di Anjung Kiri, Masjid Jamek Negeri Sarawak. Majlis ini diadakan saban tahun bertujuan untuk memberikan taklimat berhubung dengan program-program anjuran LAKMNS sepanjang Ihya' Ramadhan 1440H/2019M yang akan diadakan di Masjid Jamek Negeri Sarawak dan Masjid Bandaraya Kuching yang akan bermula pada 05 Mei 2019 hingga 05 Jun 2019. Seramai 400 orang jemputan yang hadir untuk memeriahkan majlis tersebut yang terdiri daripada Ketua Masyarakat Bahagian Kuching, Pengerusi Masjid/Surau Bahagian Kuching, Peserta KPP, dan peserta-peserta Taklim Wanita.

Majlis bermula jam 9.10 pagi dengan ucapan aluan oleh Encik Mohamad Aizat bin Mohamad Morshidi, wakil Ketua Bahagian Masjid-Masjid. Pengisian slot seterusnya adalah Taklimat Ihya' Ramadhan yang disampaikan oleh Sahibus Samahah Datu Haji Kipli bin Haji Yasin, Mufti Negeri Sarawak.



Antara intipati taklimat yang disampaikan beliau adalah menerangkan berkenaan persediaan mental dan fizikal sebelum menghadapi Bulan Ramadan. Antaranya ialah persediaan ilmu agama. Beliau menerangkan bahawa ramai orang yang berpuasa tanpa ilmu di dada, dikhawatirkan ibadah yang diharapkan mendapat pahala sebaliknya tidak diterima oleh Allah SWT.

Antara ilmu-ilmu yang perlu diberi keutamaan berkaitan dengan ibadah puasa ialah rukun, syarat sah, perkara yang membatalkannya, adab dan juga akhlak orang berpuasa. Hal ini begitu penting untuk mendapat kesempurnaan ibadah puasa. Selain itu, persediaan kesihatan juga amat dititikberatkan kerana kesihatan tubuh badan yang sempurna menjamin kesempurnaan ibadah puasa. Kecerdasan seluruh anggota badan diperlukan kerana pada bulan Ramadhanlah tubuh badan dikerah bekerja kuat melaksanakan segala amalan seperti solat sunat tarawih, qiamullail, membaca al-Quran, iktikaf dan sebagainya, disamping menjalankan kerja-kerja, atau tugas-tugas sehari-hari tanpa makan dan minum. Kesihatan yang baik amat penting untuk menyempurnakan segala itu dengan penuh berkesan dan produktif.

Majlis tersebut berakhir dengan Bacaan Tahsil Arwah yang dipimpin oleh Sahibul Fadhilah Dato' Haji Mustapha Kamal bin Ahmad Fauzi, Imam Besar Negeri Sarawak.



## Majlis Perasmian Pengagihan Bubur MASJA-SA

Seperi tahun-tahun sebelumnya, antara perkara yang ditunggu-tunggu oleh masyarakat sekitar Bandaraya Kuching setiap kali tibanya bulan Ramadhan adalah agihan Bubur MASJA-SA.

Bubur yang telah mula diperkenalkan sejak puluhan tahun dahulu oleh Lembaga Amanah Kebajikan Masjid Negeri Sarawak dan diagihkan melalui Masjid Jamek Negeri Sarawak dan Masjid Bahagian Kuching amat digemari ramai kerana rasanya yang enak dan menyelerakan. Keenakan bubur ini juga mungkin disebabkan oleh cara penyediaannya yang masih lagi dibuat secara tradisional iaitu menggunakan dapur arang berbanding bubur-bubur di tempat lain yang dimasak menggunakan dapur gas.

Pada Ramadhan 1440H/2019M ini, Lembaga Amanah Kebajikan Masjid Negeri Sarawak sekali lagi mengadakan agihan Bubur MASJA-SA bermula pada 1 hingga 26 Ramadhan, sebanyak 9-8 periuk Bubur MASJA-SA telah diagihkan kepada lebih seribu orang setiap hari.

Sebuah Majlis Perasmian Pengagihan Bubur MASJA-SA juga telah diadakan pada 2 Ramadhan 1440H bersamaan 7 mei 2019 dimana YAB Datuk Patinggi Abang Haji Abdul Rahman Zohari bin Tun Abang Haji Openg, Ketua Menteri Sarawak berkenan merasmikan majlis.

Daripada maklumbalas yang diterima, rata-rata orang ramai yang datang mendapatkan agihan Bubur MASJA-SA berpendapat agar program agihan sebegini diteruskan sampai bila-bila dan cara penyediaannya dikekalkan agar terus menjadi satu lagi legenda negeri Sarawak.



Sumbangan Derma Ramadhan kepada pelajar-pelajar sekolah yang kurang mampu dan anak-anak yatim di sekitar Kuching yang disampaikan oleh Ketua Menteri Sarawak, merangkap Pengerusi LAKMNS.



Sumbangan derma berupa peralatan atas masjid / surau serta agensi yang disampaikan oleh Ketua Menteri Sarawak, merangkap Pengerusi LAKMNS.



## Sumbangan Derma Ramadan

Salah satu amalan yang digalakkan untuk dilaksanakan di dalam bulan Ramadan ini ialah amalan bersedekah, menderma, berwakaf atau menolong orang lain sama ada dalam bentuk wang, harta benda ataupun perkhidmatan.

Sehubungan dengan itu, seperti yang telah dilakukan pada tahun-tahun yang lalu, Lembaga Amanah Kebajikan Masjid Negeri Sarawak telah mengadakan program Sumbangan Derma Ramadan khusus untuk pelajar-pelajar anak yatim dan kurang mampu di sekolah-sekolah sekitar Bandaraya Kuching untuk tahun 1440H/2019M ini.

Program Sumbangan Derma Ramadan ini telah diadakan bermula 13 Mei 2019 sehingga 21 Mei 2019. Seramai 2142 orang pelajar (184 orang anak yatim dan 1958 orang pelajar kurang mampu) dari 14 buah sekolah sekitar Bandaraya Kuching dan Padawan telah menerima sumbangan.

Majlis penyerahan telah disempurnakan oleh Ybhg Datuk Haji Abdul Wahap Bin Haji Abang Julai Bendahari Kehormat LAKMNS, Yang Berbahagia Datu Haji Misnu Bin Haji Taha, Ahli LAKMNS, Encik Drahman Bin Jaladin, Ahli Exco LAKMNS dan Tuan Haji Mohamad Sabry Bin Haji Othman, Pengurus Besar LAKMNS.

Program ini menjadi salah satu platform untuk beramalan jariah seperti yang digalakkan di bulan Ramadan dalam membantu anak-anak Islam yang kurang mampu menampung perbelanjaan sempena sambutan Hari Raya yang akan datang. Pada masa yang sama, pihak LAKMNS dapat mengeratkan silaturrahim dengan sekolah-sekolah yang terlibat.



## LAWATAN DARIPADA MAJLIS UGAMA SABAH KE LAKMNS



Pada 8 April 2019, Lembaga Amanah Kebajikan Masjid Negeri Sarawak telah menerima kunjungan daripada Majlis Ugama Islam Sabah (MUIS) bertempat di bangunan Baitul Makmur.

Lawatan kerja daripada Majlis Ugama Islam Sabah (MUIS) telah diadakan di Bilik Mesyuarat, Tingkat 9, Bangunan Baitul Makmur. Rombongan di sambut oleh, Yang berbahagia Tan Sri Datuk Amar Haji Bujang bin Mohd Nor, Setiausaha Kehormat, LAKMNS, Yang Berbahagia Datu Haji Misnu bin Haji Taha, Ahli Lembaga LAKMNS, Yang Berhormat Puan Hajah Sharifah Hasidah binti Sayeed Aman Ghazali, Ahli Lembaga LAKMNS, Sahibus Samahah Datu Haji Kiplki bin Haji Yassin, Ahli Lembaga LAKMNS dan Encik Drahman bin Jaladin, Ahli Lembaga LAKMNS serta pengurusan LAKMNS.

Rombongan lawatan ini adalah seramai 18 orang dan dipengerusikan oleh Yang Berhormat Datuk Haji Aidi bin Haji Mokhtar, Menteri Undang-Undang dan Hal Ehwal Anak Negeri Sabah merangkap Menteri yang bertanggungjawab hal ehwal Islam. Tujuan lawatan kerja diadakan adalah untuk mendapatkan maklumat tentang Pengurusan Lembaga Amanah Kebajikan Masjid Negeri Sarawak. Selaras dengan perkembangan semasa, LAKMNS sentiasa bersedia dan komited dalam memberikan sokongan kepada organisasi-organisasi luar, supaya dapat menyediakan infrastruktur dan prasarana untuk kemudahan ibadah dan penyuburan akidah Islam secara khususnya.

Semoga dengan lawatan seperti ini, pihak LAKMNS akan sentiasa komited untuk menjadi contoh sebagai sebuah badan amanah Islam yang tersohor dalam usaha membina Ummah yang cemerlang.

## ISRAK MIKRAJ

Pada setiap tahun peristiwa Israk Mikraj merupakan diantara kisah penting dalam agama Islam dan sebagai bukti serta tanda kekuasaan Allah S.W.T. Sebuah peristiwa yang penuh dengan keajaiban yang diluar jauhan pemikiran segala makhluk ciptaanNya.



Bagi menghayati peristiwa tersebut, Lembaga Amanah Kebajikan Masjid Negeri Sarawak turut mengadakan pengisian pada 02 April 2019 bersamaan 26 Rejab 1440H yang dimulakan dengan sembahyang Maghrib berjemaah, diikuti ceramah agama dan seterusnya sembahyang Isyak berjemaah. Objektif program ini diadakan adalah untuk memperingati peristiwa bersejarah tersebut disamping untuk mengingati dan mengambil iktibar daripada peristiwa tersebut melalui ceramah agama yang disampaikan oleh Al-Fadhil Ustaz Yahya bin Bakeri, Pensyarah Fakulti Bahasa dan Komunikasi Universiti Malaysia Sarawak di Masjid Jamek Negeri Sarawak dan Al-Fadhil Ustaz Muhammad Ilyas Bin Hj Muhammad Saleh, Pegawai Hal Ehwal Islam Kanan, UITM Kampus Samarahan Sarawakdi Masjid Bandaraya Kuching.

Dianggarkan seramai 600 orang Jemaah telah hadir dalam program tersebut dan program ini juga merupakan salah satu usaha dakwah dan meningkatkan keimanan dan ketakwaan kepada Allah S.W.T.



## NUZUL AL QURAN

Tarikh 17 Ramadhan merupakan satu tarikh yang selalu diperingati oleh umat Islam. Pada tarikh inilah masjid-masjid dipenuhi dengan ceramah Nuzul al-Quran. Begitu juga media masa, surat khabar dan televisyen tidak akan terlepas menyiaran rancangan khas, atau kultih, sempena memperingati peristiwa Nuzul Al-Quran.

Sebagai memperingati peristiwa penurunan al-Quran yang menjadi panduan dan rujukan kepada seluruh umat Islam LAKMNS telah mengadakan Ceramah agama sempena Sambutan Malam Nuzul Al Quran. Ceramah agama tersebut telah diadakan pada malam 21 Mei 2019 bersamaan dengan 17 Ramadhan 1440H bertempat di Masjid Jamek Negeri Sarawak. Pengisian Ceramah Agama sempena sambutan Nuzul Al-Quran tersebut telah disampaikan oleh penceramah yang dijemput khas dari Jabatan Mufti Negeri Sarawak iaitu Al-Fadhil Ustaz Haji Muhammad Syarifuddin bin Abdul Kadir. Tajuk yang telah dikupas oleh penceramah pada malam tersebut ialah Al-Quran Dan Panduan Persiapan Akhir Zaman.



Antara intipati ceramah beliau menerangkan bahawa Nuzul al-Quran adalah peristiwa penting yang harus diingati dan direnungi oleh setiap umat Islam.. Dengan perkataan lain, peristiwa Nuzul al-Quran mengubah dan membina peradaban umat manusia zaman kini.

Sehubungan itu, peristiwa Nuzul al-Quran seharusnya dihayati oleh umat Islam kerana ia menjadi asas keimanan terhadap al-Quran bahawa ia adalah kalam Allah dan dengan berlakunya peristiwa besar dan agung ini, hala tuju kehidupan manusia menjadi lebih kemas dan jelas dengan berpandukan pertunjuk dan pedoman yang diwahyukan oleh Allah. Banyak keterangan dalam al-Quran dan hadis Nabi menjelaskan bahawa al-Quran adalah kitab pertunjuk atau pedoman ke arah mencapai darjah muttaqin, iaitu orang yang bertakwa.

Oleh itu, bersemepena sambutan peristiwa besar Nuzul Al-Quran pada kali ini, beliau menyeru kita semua bersama-sama kembali kepada al-Quran dengan membaca, memahami dan mengamalkan segala ajaran yang terkandung di dalamnya. Apabila kita benar-benar membaca, memahami dan menghayati kandungan al-Quran itu secara konsisten tanpa jemu, insya Allah, hidup kita akan lebih bermakna dan sejahtera sehingga dapat melahirkan umat yang cemerlang di dunia dan gemilang di akhirat.



## BENGKEL PEMANTAPAN Imam dan Bilal



Imam dan Bilal merupakan antara tonggak penting dalam mengerak jemaah dan melaungkan syi'ar agama Islam dan menjadi jentera utama yang berfungsi untuk menyatukan serta membina struktur saf solat secara berjemaah di masjid mahupun di surau. Namun, di kala penghujung zaman yang penuh dengan cabaran semasa, Bahagian Penyelidikan dan Pembangunan telah menganjurkan Bengkel Pemantapan Imam dan Bilal, pada 13 April 2019, Sabtu, bertempat di Bilik Mesyuarat PATARY dan dihadiri oleh seramai 10 orang peserta yang terdiri daripada para Imam dan Bilal Bahagian Masjid-masjid LAKMNS.

Bagi tujuan membantu para Imam dan Bilal Bahagian Masjid-masjid LAKMNS dalam meningkatkan kemahiran serta pendedahan kepada cabaran semasa, Bahagian Penyelidikan dan Pembangunan telah menganjurkan Bengkel Pemantapan Imam dan Bilal, pada 13 April 2019, Sabtu, bertempat di Bilik Mesyuarat PATARY dan dihadiri oleh seramai 10 orang peserta yang terdiri daripada para Imam dan Bilal Bahagian Masjid-masjid LAKMNS.

Bengkel yang bermula jam 8.00 pagi sehingga 4.00 petang ini turut dijayaikan oleh dua (2) orang penceramah jemputan iaitu YBhg. Dato' Hj. Mustapha Kamal b. Hj. Ahmad Fauzi, Imam Besar Masjid Jamek, Kuching dan Ustaz Mohd. Safwan bin Mahli, Guru Hafiz, Ma'had Tahfiz Tun Abdul Rahman Ya'kub.

Antara pengisian yang dikongsikan pada hari tersebut ialah:-

1. Penyempurnaan Makhraj & Tajwid serta Alunan Azan;
2. Adab serta Praktikel Bacaan Imam & Laungan Azan; dan
3. Semakan wakaf & ibtida' serta Kaedah Seni Suara & Taranum



Secara keseluruhannya, bengkel ini dapat meningkatkan kemahiran bilal dan imam yang bertugas di Masjid Jamek Negeri Sarawak dan Masjid Bandaraya Kuching agar menjadi lebih profesional.

# KURSUS INDUKSI KAKITANGAN LAKMNS, SIRI 3

Pada tahun 2019, Kursus Induksi Kakitangan Lembaga Amanah Kebajikan Masjid Negeri Sarawak telah diadakan pada 13 dan 14 April 2019. Pada kali ini kursus induksi diadakan di Sumiran Eco Camp & Training Centre, Batu Kawa Kuching. Kursus ini dihadiri oleh 76 orang kakitangan baharu yang terdiri daripada pelbagai peringkat jawatan di penempatan Sektor, bahagian dan unit di LAKMNS.

Dengan hasrat utama untuk memperkenalkan LAKMNS secara keseluruhan kepada kakitangan-kakitangan baharu disamping menyelitkan elemen-elemen memupuk semangat berpasukan dan kerjasama di kalangan kakitangan, program yang berlangsung selama dua (2) hari ini dimuatkan dengan pengisian program seperti berikut:-

i. Sesi tazkirah bersama jemputan daripada pihak Fakulti Bahasa dan Komunikasi, Universiti Malaysia Sarawak

ii. Pengenalan kepada setiap Sektor dan Bahagian-bahagian di Lembaga Amanah Kebajikan Masjid Negeri Sarawak yang disampaikan oleh Ketua-ketua Sektor dan Bahagian

iii. Aktiviti-aktiviti berkumpulan

iv. Aktiviti luar ‘Adventure Trail’ yang dikendalikan oleh pihak Sumiran Eco Camp & Training Centre

v. Sesi Aku Janji Perkhidmatan

Kursus Induksi ini diadakan adalah untuk mencapai objektif-objektif seperti berikut:-

i) Memberi kefahaman dan pengetahuan kepada kakitangan-kakitangan baharu LAKMNS berkenaan fungsi dan peranan kewujudan LAKMNS itu sendiri.

ii) Pendedahan dan pengenalan kepada kakitangan-kakitangan berkenaan Ahli-ahli Lembaga, Ahli-ahli Jawatankuasa Eksekutif dan barisan pengurusan LAKMNS.

iii) Memastikan kakitangan-kakitangan ini memahami budaya kerja dan persekitaran LAKMNS dan secara tidak langsung menjadi asas untuk mereka membentuk minda dan keyakinan berkhidmat di LAKMNS.

iv) Memberi pendedahan dan peringatan kepada kakitangan-kakitangan ini agar sentiasa memastikan peraturan-peraturan atau prosedur-prosedur perkhidmatan di LAKMNS dipatuhi.

v) Program ini juga merangkumi slot-slot berkaitan pembentukan kerjasama ‘team building’ dikalangan kakitangan agar mereka akan lebih mudah memahami di antara satu sama lain dan seterusnya bekerjasama dalam apa jua keadaan dan situasi dalam perkhidmatan.

vi) Keadaan ini secara tidak langsung akan memupuk dan mewujudkan semangat berpasukan dan mempunyai matlamat yang sama ke arah perkembangan dan peningkatan LAKMNS secara amnya.

vii) Matlamat program adalah untuk meningkatkan kefahaman, kemahiran dan pengetahuan khususnya untuk terus meningkatkan komitmen serta prestasi berpanjangan sepanjang perkhidmatan mereka di LAKMNS.

Secara keseluruhannya, Semoga pelaksanaan program Kursus Induksi Kakitangan Siri 3 ini bermanfaat dalam memberikan pemahaman secukupnya berkenaan LAKMNS kepada kakitangan baharu serta meningkatkan semangat kerjasama dan azam mereka untuk berjaya di dalam perkhidmatan di LAKMNS selain menyumbang kepada perkembangan dan kejayaan LAKMNS di masa hadapan.



## “LANGKAH BIJAK MENANGANI KECEMASAN”

### LATIHAN KEBAKARAN DAN PENGUNGSIAN BANGUNAN DI KOMPLEKS PATARY

Dalam kehidupan sehari-hari, setiap orang sentiasa terdedah dengan situasi bahaya atau saat kecemasan. Situasi kecemasan ini biasanya berlaku tanpa diduga. Antara contoh situasi bahaya atau kecemasan yang sering menjadi isu yang terpampang di dada akbar ialah isu kebakaran. Kebakaran merupakan situasi kecemasan yang sangat merbahaya. Ia bukan sahaja mampu meragut nyawa malah memusnahkan aset dan harta yang ada.

Di Malaysia sahaja sudah banyak kes kebakaran yang dilaporkan sejak 2 tahun lepas yang menjadi punca kehilangan nyawa dan kerusuhan harta benda. Antara yang paling tragis ialah peristiwa yang berlaku di Madrasah Tahfiz Darul Quran Ittifaqiah, Kuala Lumpur pada 14 September 2017 yang lalu. Kejadian merekodkan seramai 23 mangsa dilaporkan terkorban dan 9 orang daripadanya hangus rentung. Perkara ini merupakan sesuatu yang amat mendukacitakan. Ia benar-benar perlu diambil perhatian oleh semua pihak dalam mengelakkan perkara sebegini berulang.



Mengambil ikhtiar dari kes-kes kebakaran yang semakin membarah mutakhir ini, Bahagian Penyelidikan dan Pembangunan, Lembaga Amanah Kebajikan Masjid Negeri Sarawak (LAKMNS) optimis dan memandang penting untuk perkara ini di ambil berat dan langkah keselamatan harus diambil sebagai persediaan menangani sebarang kecemasan yang berpotensi berlaku.

Justeru, Bahagian Penyelidikan dan Pembangunan LAKMNS telah mengadakan Latihan Kebakaran dan Pengungsian Bangunan (Fire Drill) di Kompleks PATARY pada 29 April 2019 yang lalu. Program yang melibatkan seramai kira-kira 450 orang peserta ini turut melibatkan pasukan Bomba dan Penyelamat cawangan Petra Jaya yang diketuai oleh Tuan Kamri bin Bujang sebagai Ketua Operasi pada hari kejadian.

Latihan yang dijalankan ini juga dikendalikan sepenuhnya oleh pasukan ERT (Emergency Rescue Team) yang ditubuhkan untuk menggalas tugas sebagai pihak yang bertanggungjawab jika berlaku sebarang kecemasan di PATARY. Ahli ERT ini terdiri daripada pegawai dan juga staf Bahagian Penyelidikan dan Pembangunan, Bahagian Pelajaran, Sekolah MATTARY, Bahagian Keselamatan dan pihak MPSB LAKMNS.



## *Majlis Pengagihan Bubur MASJA-SA*



# SERUAN MIMBAR

Khutbah Jumaat (22 Mac 2019M/ 15 Rejab 1440H) Sumber: <https://mis.sarawak.gov.my/>

## "Aidilfitri : Kembalinya Ummah Kepada Fitrah Dan Ketakwaan".

### Muslimin dan Muslimat yang dirahmati Allah,

Marilah kita bersama-sama membanyakkan puji-pujian dan kesyukuran kita kepada Iah. Maha suci Allah yang telah mengurniakan bulan Ramadan untuk kita mengusahakan peningkatan pada iman dan takwa. Bulan yang menyuburkan kesungguhan kita untuk melakukan amal ibadah dan memupuk akhlak yang mulia. Semoga Allah subhanahu wata'ala menerima segala amalan kita. Pada hari ini, khatib akan menyampaikan khutbah yang bertajuk "Aidilfitri : Kembalinya Ummah Kepada Fitrah Dan Ketakwaan".

### Muslimin dan Muslimat yang dirahmati Allah,

Bermula dari terbenamnya matahari hari terakhir Ramadan semalam hingga sebelum solat sunat Aidilfitri sebentar tadi, kita bersama-sama telah melafazkan takbir, tahmid, tahlil dan tasbih sebagai tanda mengagungkan kebesaran Allah subhanahu wata'ala, menzhirikan rasa kesyukuran atas limpahan taufiq dan hidayah daripada Allah, hingga berjaya dalam usaha mentaati-Nya melalui ibadah puasa terutamanya, dan mengawal serta mendidik nafsu.

Semoga Aidilfitri yang kita sambut pada hari ini akan dipenuhi dengan amalan-amalan yang selari dengan ajaran Islam, menghormati dan tidak mencemarkan cahaya Ramadan yang baru saja berlalu, dan seterusnya memuliakan dan mensyukuri bulan Syawal yang mulia ini.

### Muslimin dan Muslimat yang dirahmati Allah,

Pada pagi yang penuh keberkatan ini, mimbar ingin mengajak para jemaah sekalian untuk mengimbau kembali, hikmah-hikmah yang kita telah perolehi, hasil daripada madrasah Ramadan yang baru kita jalani. Ingatlah kita, betapa kita bersedia untuk menahan rasa lapar, dahaga dan perasaan, demi memenuhi tuntutan ibadah puasa yang merupakan satu kewajipan! Ingatlah kita, betapa sepanjang Ramadan kita menjadi orang yang lebih berhati-hati, dalam tutur kata dan tingkah laku, agar ibadah kita tidak rosak dan dicemari oleh maksiat?

Selain itu, kita juga telah memakmurkan rumah-rumah Allah dengan solat fardhu berjemaah, menghidupkan malam-malamnya dengan solat sunat tarawih, witir, tahajjud dan tadarus Al-Quran. Malah, ramai daripada kita yang telah tampil, membantu mereka yang memerlukan dan berada dalam kesulitan, dengan apa juar yang termampu untuk diberikan.

Sesungguhnya, Ramadan telah mendidik kita untuk tunduk, dan sedia mentaati segala perintah dan larangan Allah subhanahu wata'ala dan Rasul-Nya sallallahu alaihi wasallam, walaupun terpaksa menanggung sedikit-sebanyak kesusahan. Kini, kita dapat merasakan keghairahan dalam melaksanakan ibadah yang wajib mahupun yang sunat. Begitu juga halnya dalam menjauhkan diri daripada maksiat, juga perkara-perkara yang makruh atau dibenci oleh syarak seperti merokok, berkelahi, mengumpat, dan mendedahkan aurat.

Ramadhan juga telah menginsafkan kita supaya sentiasa bersyukur atas kurniaan yang diberikan oleh Allah subhanahu wata'ala, setelah merasai sendiri kesusahan dan kesulitan yang dialami oleh golongan yang kurang bernasib baik. Seterusnya, jiwa kita disemai dan disuburkan dengan perasaan kasih dan sayang kepada orang lain. Begitulah juga, kesungguhan untuk berkhidmat dengan penuh ikhlas bagi mengangkat martabat dan maruah negara serta umat, semakin subur dalam hati sanubari kita sebagai umat Nabi Muhammad sallallahu alaihi wasallam.

Inilah natijah ketakwaan, hasil daripada madrasah Ramadan. Ia bukan sahaja membawa kita lebih dekat kepada Allah subhanahu wata'ala tetapi juga menjadikan kita lebih mesra sesama insan. Firman Allah subhanahu wata'ala dalam ayat 133-134, Surah Ali-Imran, **"Dan bersegeralah kamu kepada keampunan dari Tuhanmu dan kepada syurga yang luasnya seluas langit dan bumi yang disediakan untuk orang-orang yang bertakwa. (Iaitu) Orang-orang yang menafkahkan (hartanya), baik di waktu lapang mahupun sempit, dan orang-orang yang menahan amarahnya dan memaafkan (kesalahan) orang. Allah menyukai orang-orang yang berbuat kebaikan".**

### Muslimin dan Muslimat yang dirahmati Allah,

Aidilfitri bererti merayakan kemenangan, iaitu kemenangan ke atas godaan dan nodaan hawa nafsu, membolehkan kita kembali kepada fitrah yang suci bersih, tanpa noda dan dosa, sebagai hamba Allah subhanahu wata'ala yang jitu ketaqwaannya, hamba Allah subhanahu wata'ala yang cintakan Allah subhanahu wata'ala dan Rasul-Nya sallallahu alaihi wasallam, hamba Allah subhanahu wata'ala yang cintakan al-Quran, kasih sesama insan apatah lagi saudara-saudara, cintakan masjid, cintakan ilmu pengetahuan, cintakan segala bentuk kebaikan dan akhlak yang mulia dalam kehidupan.

Justeru, kita sebagai umat Islam, mesti terus menjadikan usaha menuntut ilmu pengetahuan, kemahiran dan pemberian diri secara berterusan, di samping mengukuhkan daya kepimpinan, sebagai satu budaya dalam kehidupan. Mudah-mudahan segala sifat yang baik dan terpuji ini akan terus subur dan mekar dalam diri setiap daripada kita, amin.

### Muslimin dan Muslimat yang dirahmati Allah,

Hari Raya Aidilfitri adalah hari untuk bergembira dan bersyukur atas kurniaan Allah subhanahu wata'ala. Hari Raya adalah hari untuk mengukuhkan lagi erti persaudaraan, ukhuwwah dan perpaduan kita. Ketika kita sedang bergembira menyambut Aidilfitri ini, kita juga perlu insaf dan sedar bahawa terdapat saudara mala, kaum kerabat, jiran tetangga, sahabat handai dan saudara seagama kita yang menyambut Aidilfitri dalam keadaan sedih, bersendirian, daif dan sebagainya. Mereka ini terdiri daripada orang yang tidak berupaya dan miskin, anak-anak yang terbiar ketidaa ibubapa yang mengasihi mereka, termasuk mereka yang berada di pusat-pusat pemulihan, penjara, rumah orang tua, rumah anak yatim, rumah kebajikan dan sebagainya.

Justeru, mimbar menyeru marilah sama-sama kita menghidupkan suasana Aidilfitri ini dengan amalan ziarah-menziarahi, kunjung-mengunjungi dan menghubungkan silatur rahim terutama sekali terhadap kedua ibu bapa kita dengan memohon kemaafan atas segala keterlaluan dan kesalahan, sama ada yang disedari ataupun yang tidak disedari. Dengan demikian, jiwa kita dapat merasai ketenangan dan kebahagiaan yang sebenar. Al-Khatib al-Baghuddi rahimahullah meriwayatkan sabda Rasulullah sallallahu alaihi wasallam dalam kitabnya 'Tarikh Baghudd yang berbunyi: **"Maksudnya: "Tiga perkara yang merupakan antara budi pekerti yang mulia di sisi Allah subhanahu wata'ala; hendaklah engkau memaafkan orang yang telah menganiaya dirimu, hendaklah engkau menolong orang yang telah memutuskan pemberiannya kepadamu, dan hendaklah engkau terus menjaga hubungan dengan orang yang telah memutuskan perhubungan denganmu."**

Selari dengan cahaya Ramadan, serta keinsafan yang dibangkitkan, maka khatib ingin menyeru agar kita memulihkan dan mengukuhkan hubungan dan perpaduan sesama kita, dengan menyuburkan persefahaman dalam kalangan kita, meningkatkan rasa kasih mesra dan persaudaraan sesama Islam, mengukuhkan rasa timbang rasa dan saling menghormati sesama manusia, membuka hati kerelaan dan keikhlasan maaf-memaafi, bantu-membantu dalam kalangan kita dan sesama masyarakat majmuk, serta berazam terus menyumbang kepada kestabilan dan keselamatan dalam masyarakat dan negara.

Untuk mencapai semua ini kita perlu bersederhana dalam apa juar tindakan, sentiasa mengutamakan harmoni dan kesejahteraan, elakkan sifat-sifat bongkok, sompong dan melampau. Buanglah yang keruh, ambillah yang jernih. Ingatlah wahai muslimin dan muslimat sekalian, bahawa amalan ibadat kita tidak akan diterima oleh Allah subhanahu wata'ala sekiranya kita hanya mementingkan diri sendiri dan

tidak menghormati hak-hak orang lain. Ambillah kesempatan pada hari yang mulia ini untuk sama-sama kita mengukuhkan perpaduan dan persaudaraan antara kita. Mudah-mudahan dengan cara ini hidup kita sentiasa berada dalam keberkatan dan negeri kita sentiasa dalam suasana harmoni dan aman damai. Mengakhiri khutbah, marilah sama-sama kita menghayati firman Allah subhanahu wata'ala dalam surah al-Hujurat ayat 10: **"Maksudnya : Sebenarnya orang yang beriman itu adalah bersaudara, maka damaikanlah di antara dua saudara kamu (yang bertelingkah) itu; dan bertaqwalah kepada Allah supaya kamu beroleh rahmat."**

### Para Tetamu Allah yang dimuliakan!

Khatib ingin menyeru sekali lagi, marilah kita menyemarakkan amalan kunjung-mengunjung dengan memberi keutamaan kepada kedua ibubapa kita dan sanak saudara, bersalam-salam dan bermaf-maafan pada Hari Raya yang mulia ini. Lapangkanlah dada kita untuk memaafkan kesalahan dan kesilapan saudara-saudara kita.

Sesungguhnya, sambutan hari raya dalam Islam adalah ibadah. Maka kita hendaklah berusaha supaya kegembiraan dalam berhari raya tidak sesekali bercampur-aduk dengan perkara-perkara berbentuk maksiat, pembaziran dan kelalaian. Elakkanlah daripada dilalaikan oleh gajet-gajet, media elektronik dan sebagainya daripada melaksanakan segala kewajipan. Justeru, dalam keseronokan kita menyambut hari raya dengan berkunjung ke rumah saudara mala dan rakan taulan, menghadiri rumah terbuka dan sebagainya perlulah dibatasi oleh landasan syariat. Di mana pergaular lelaki dan perempuan mestilah terkawal, batasan aurat hendaklah selari dengan tuntutan Islam, pakaian yang menjolok mata dan tidak selari dengan kehendak Islam hendaklah dihindari. Begitu juga hiburan melampau dan gajet-gajet yang melalaikan daripada kewajipan perlulah dielakkan.

Marilah kita raikan kegembiraan dengan cara yang sederhana terutamanya dalam menjamu selera, dan menyediakan juadah untuk rumah terbuka dan sebagainya.

Akhirnya, setelah bergembira merayakan Aidilfitri, sama-sama pulah kita teruskan semangat Ramadan yang tertanam di jiwa dengan melaksanakan puasa sunat enam hari di bulan Syawal sebagaimana yang digalakkan kepada kita untuk melakukannya. Sabda Rasulullah sallallahu alaihi wasallam yang berbunyi : **"Maksudnya : Sesiaapa yang berpuasa Ramadan, dan diikuti dengan enam hari di bulan Syawal, maka ia seumpama berpuasa sepanjang tahun. (Hadis riwayat Imam Muslim)"**

# “OBOR HEMAH MENYINARI PERTIWI” SAMBUTAN HARI GURU 2019, MATTARY



Sambutan Hari Guru peringkat sekolah telah diadakan pada Selasa, 30 April 2019. Sambutan ini bermula pada jam 10.00 pagi-12.30 tengah hari dan bersambung pada sebelah petangnya pada jam 2.00-5.00 petang. Tujuan sambutan Hari Guru ini diadakan adalah untuk meningkatkan sokongan profesional terhadap guru, memperkuuh dan membudayakan nilai terpuji guru serta mempertingkatkan kebijakan terhadap guru.

Tetamu jemputan yang hadir untuk sambutan pada hari tersebut ialah, Puan Dayang Siti Aisyah binti Haji Mohd Atei, Wakil Ketua Bahagian Pelajaran, LAKMNS dan Encik Mohd Dzulkiflie bin Mohd Ai-ee, Pegawai Bahagian Pelajaran, LAKMNS. Acara sambutan Hari Guru pada sebelah pagi diadakan di Bilik Kuliah PATARY dengan pelbagai pengisian aktiviti persempahanan murid dan guru. Acara simbolik pada hari tersebut, adalah lafadz ikrar yang diketuai oleh Encik Khairuldeen Azahar bin Ismail. Diikuti dengan nyanyian lagu Kami Guru Malaysia yang dinyanyikan oleh semua guru.



Persembahan oleh ahli Kelab Kesenian dan Kebudayaan MATTARY 2019



Persembahan oleh ahli Kelab Kesenian dan Kebudayaan MATTARY 2019

Sambutan Hari Guru diteruskan pada sebelah petang dengan aktiviti sukaneka di Dataran MATTARY. Suasana sungguh meriah dengan penglibatan semua guru. Murid-murid pula, membantu guru menjalankan aktiviti dan memberi sokongan serta semangat kepada semua guru. Program diakhiri dengan jamuan untuk guru dan murid oleh Perdana Seafood Caterer di Dewan Makan.

Semoga sambutan Hari Guru ini dapat diteruskan lagi pada tahun akan datang. Sokongan dan kerjasama semua pihak di atas kelancaran program amat dihargai.

## MAJLIS TILAWAH AL-QURAN DAN HAFAZAN, PUSAT KECEMERLANGAN MASJA-SA



Johan Majlis Tilawah dan Hafazan Pusat Kecemerlangan MASJA-SA, AdikPutri Nur Aishah binti Mohd Zaidi



Pusat Kecemerlangan MASJA-SA telah mengadakan Majlis Tilawah dan Hafazan Al-Quran pada 26 April 2019 di Anjung Kiri, Masjid Jamek Negeri Sarawak.

Objektif majlis ini diadakan untuk mewujudkan suasana keakraban dan kemesraan antara pelajar-pelajar walaupun dalam suasana pertandingan, mencungkil bakat sedia ada di kalangan pelajar-pelajar dalam kemahiran Al-Quran dan mewujudkan semangat daya saing yang sihat dalam kalangan pelajar Pusat Kecemerlangan MASJA-SA.

Program ini telah dijalankan selama 2 hari bermula pada 24-25 April 2019. Selain itu juga, sepanjang program ini banyak dibantu oleh guru-guru Al-Quran PKM-SA dan guru-guru tahlif MATTARY dalam kehakiman pertandingan tilawah dan hafazan Al-Quran.

Program ini telah menarik minat pelajar-pelajar PKM-SA seramai 87 orang pelajar yang menyertai pertandingan tersebut. Semoga program seperti ini dapat dilaksanakan lebih baik lagi bagi tahun yang akan datang untuk memberi semua pelajar mencungkil bakat yang sedia ada.

# Hari Sukan TATTARY

**H**ari Sukaneka Tadika Tahfiz Tun Abdul-Rahman Ya'kub (TATTARY) Sesi 2019 merupakan salah satu pengisian program Kokurikulum TATTARY. Ia akan menjadi suatu pemangkin dalam pembentukan individu yang cergas lagi cerdas melalui aktiviti-aktiviti fizikal yang teramat penting dalam proses tumbesaran dan perkembangan kemahiran fizikal kanak-kanak. Antara objektif hari sukaneka ini adalah untuk memberi peluang kepada murid-murid untuk menunjukkan potensi diri dengan lebih yakin dan berusaha dalam mencapai sesuatu matlamat.



Selain itu, sukaneka ini juga diharap dapat mewujudkan interaksi yang aktif dan sihat di kalangan murid-murid, guru-guru dan ibubapa supaya dapat memupuk permuafakatan dan perpaduan yang utuh. Dengan adanya aktiviti majmuk ini anak-anak dapat menyemai dan memupuk nilai-nilai murni melalui aktiviti bersukan.



Seramai 220 orang murid 4, 5 dan 6 tahun dalam sukaneka yang telah dijalankan pada Khamis, 18 April 2019 yang lepas bertempat di Stadium Tertutup, MBKS. Terdapat 13 acara yang telah di pertandingkan sepanjang sukaneka tersebut. Hari sukaneka telah dirasmikan oleh Puan Dayang Siti Aishah Bt Haji Mohamad Atei, Wakil Ketua Bahagian Pelajaran, LAKMNS. Pasukan Rumah Kuning menjurai kategori acara dan perbarisan, diikuti pasukan Rumah Hijau di tempat kedua, pasukan Rumah Biru di tempat ketiga dan pasukan Rumah Merah di tempat ke empat. Kesemua anak-anak dan ibu bapa yang hadir gembira dengan aktiviti yang diikuti dengan suasana di dalam stadium yang sangat meriah. Program tersebut tamat pada jam 1 petang.



## Majlis Khatam al Quran Putera Puteri MATTARY

**M**ajlis Khatam al Quran telah diadakan pada 26 Ramadan 1440H bersamaan 31 Mei 2019, hari Jumaat bertempat di Masjid Jamek Negeri Sarawak, Petra Jaya. Majlis Khatam Al-Quran diadakan setiap tahun dengan tujuan untuk meraikan para pelajar MATTARY yang cemerlang dalam hafazan dan menyerahkan penghargaan kepada pelajar Pusat Kecemerlangan MASJA-SA yang mendapat keputusan cemerlang dalam SPM.

Majlis didahului dengan solat sunat Tarawih yang diimamkan oleh Ustaz Safwan bin Mahli. Seusai solat sunat tarawih, majlis khatam dimulakan dengan bacaan hafazan yang disampaikan oleh adik Nur Qaseh Batrisya Binti Rachman, adik Awang Ihsanuddin Bin Awg Kamarruddin dan Dayang Nur Alyssa Binti Nor Hisham. Majlis diteruskan lagi dengan bacaan ayat-ayat al-Quran yang disampaikan oleh sepuluh orang anak-anak MATTARY yang cemerlang dalam hafazan. Bacaan ayat-ayat al-Quran tersebut diiringi dengan alunan zikir oleh Kumpulan Tahtim TATTARY.

Selepas itu, majlis diteruskan dengan penyerahan saguhati kepada sembilan orang imam yang bertugas sepanjang bulan Ramadan. Kemuncak majlis adalah penyerahan sumbangan duit raya kepada semua murid MATTARY, TATTARY, Peserta Tadarus dan Alumni MATTARY.



# Profil Kakitangan LAKMNS



**NAMA :**  
**HARYATI BINTI MMOHAMAD**

**TARIKH LAHIR :**  
**10 OGOS 1975**

**UMUR : 44 TAHUN**

**ASAL : KUCHING**



Puan Haryati bersama keluarganya.



Gambar lawatan ilmiah ke galeri Al Quran, Palembang, Indonesia



Gambar semasa ziarah raya ke rumah salah seorang kakitangan pada tahun 2019

Puan Haryati binti Mohamad telah dilahirkan pada 10 Ogos 1975 di Kampung Bunga Rampai, Jalan Batu Kitang. Beliau merupakan anak kedua kepada arwah Mohamad bin Latif dan Puan Halimah binti Kopak. Puan Haryati mempunyai Ijazah Sarjana dalam Ekonomi dari Universiti Islam Antarabangsa.

Beliau telah berkahwin dengan pasangannya Mohamad Fairan bin Maharif. Alhamdulillah, mereka telah dikurniakan empat orang anak iaitu Mohamad Al-Furqan, Mohamad Arif Farhan, Nur Aina Fathannah dan Muhammad Amirul Mukmin. Puan Haryati telah berkhidmat di Lembaga Amanah Kebajikan selama 17 tahun. Jawatan pertama di LAKMNS adalah Pegawai Pelaburan dan kini, beliau adalah pegawai kanan dan bertanggung-jawab sebagai Ketua, Bahagian Penyelidikan dan Pembangunan.

Sebelum bekerja di LAKMNS, beliau pernah bekerja sebagai Eksekutif Kewangan di Mayban Finance Berhad dan sukarelawan di Unit Pembangunan Sumber Manusia, Jabatan Ketua Menteri.

Hobi atau aktiviti masa lapang adalah menonton televisyen dan mendengar radio. Prinsip hidup yang dipegang adalah sentiasa membuat yang terbaik bagi setiap tugas yang dianamanahkan dan memberi manfaat kepada orang lain.

Tokoh yang dikagumi adalah Rasulullah S.A.W kerana baginda menjadi contoh teladan dalam semua perkara. Pengalaman manis bekerja di LAKMNS adalah memenangi persempahan kumpulan bola sepak negara Argentina semasa Majlis Makan Malam Koperasi Masja Berhad dan mendapat Juara Pertandingan Bola Jaring mewakili LAKMNS sempena Karnival sukan agensi Islam pada tahun 2018.

Harapan beliau untuk LAKMNS pada masa akan datang adalah institusi ini akan sentiasa berkembang maju dan dikenali di persada antarabangsa.

# Profil Guru MATTARY



**NAMA:**  
**ASLINDA BINTI  
MOHAMAD ALI RAHMAN**

**TARIKH LAHIR :**  
**27 JUN 1988**

**UMUR : 31 TAHUN**

**ASAL : KUCHING**



Nama diberi Aslinda Binti Mohamad Ali Rahman, Guru Akademik MATTARY lahir pada 27 Jun 1988. Berasal dari Kuching dan tinggal di Kampung Semariang Pinggir. Anak ke 4 daripada 9 orang adik beradik. Mula bersekolah di SK Tabuan kemudian berpindah ke SK Samariang dan bersekolah di SMK Semerah Padi sehingga tamat tingkatan 5. Melanjutkan pelajaran di UiTM Samarahan Sarawak dan UiTM Puncak Perdana, Shah Alam dalam bidang Perpustakaan Dan Pengurusan Maklumat.

Cikgu Aslinda meminati sukan bola jaring dan mula mencebur sukan petanque dan badminton. Beliau mengisi masa lapang dengan menonton wayang. Pekerjaan terdahulu ialah sebagai guru ganti di SMK Batu Lintang, SMK Green Road, SMK Tun Abdul Razak dan SMK Sri Matang. Selepas itu berkhidmat di Kolej SATT, Kuching sebagai pustakawan sebelum mengajar di MATTARY.

Di MATTARY, Cikgu Aslinda bertanggungjawab sebagai guru kelas 3 Al-Farabi, guru subjek Bahasa Melayu dan guru penasihat kelab Teknologi Maklumat. Minat mendalam dalam mengajar membuatkan beliau melakukan tugas dengan penuh komitmen dan yang paling penting demi redha allah, masa depan anak-anak MATTARY di dunia dan akhirat; dan demi hasrat ibubapa melihat kejayaan anak-anak mereka.

Menurut beliau menjadi pendidik bukan mudah dan menganggap cabaran yang mendatang sebagai pendorong untuk menjadi pendidik yang lebih baik dan mengajar dengan penuh ikhlas kerana Allah S.W.T.

Beliau yakin bahawa sekolah adalah rumah ke dua bagi melahirkan anak-anak yang tinggi nilai akhlaknya. Peranan seorang guru bukan hanya mengajar dan mendidik tetapi sebagai seorang pendakwah untuk mencorakkan generasi yang beragama, berakhlik serta berilmu dengan membangkitkan kesedaran di kalangan pelajar tentang kepentingan ilmu mahupun pendidikan untuk kesenangan di dunia atau hari akhirat kelak.

Sebagai pendidik, beliau menteladani Rasulullah SAW dalam usaha mengembangkan ilmu pengetahuan seperti sabda baginda: sampaikan apa yang kamu terima daripadaku walaupun satu ayat.



Gambar kenangan bersama pasukan Petanque sempena Karnival Sukan Agensi-Agenzi Islam 2018

# Profil Pelajar MATTARY



**NAMA:**  
**ADIK AWANG IHSANUDDIN  
BIN AWANG KAMARRUDDIN**

**Tarikh Lahir :**  
**16 MAC 2007**

**Umur :**  
**12 TAHUN**

**Asal :**  
**KUCHING**



Gambar kenangan bersama rakan sekolah ketika pertandingan memanah di Pulau Pinang

Adik Awang Ihsanuddin Bin Awang Kamarruddin merupakan anak ketiga daripada empat orang adik beradik. Bagi mengisi masa lapangnya, adik Awang Ihsanuddin gemar melakukan aktiviti seperti memanah dan berenang. Beliau bercita-cita untuk menjadi seorang ulama yang tersohor suatu ketika nanti.

Disekolah, adik Awang Ihsanuddin merupakan seorang ketua pengawas sekolah yang bertanggungjawab dan rajin menolong guru serta rakan-rakan lain. Sehingga kini adik Awang Ihsanuddin telah berjaya menghafal 9 juzuk al-Quran di bawah pimpinan Ustaz Mohd. Fadzlu Karim bin Azahari. Bagi memastikan pencapaian hafazannya sentiasa mantap, adik Awang Ihsanuddin membuat murajaah di rumah setiap kali selesai solat.

Antara rakan rapat adik Awang Ihsanuddin ialah Zahiruddin, Aiman, Hafiz, Adham dan Dania. Mereka merupakan rakan sekelas dan sama-sama belajar sejak di tadika lagi. Kenangan manis yang tidak dapat dilupakan oleh adik Awang Ihsanuddin adalah melawat ke Zoo Taiping, Perak pada tahun 2014 apabila tangannya dijilat oleh zirafah ketika memberi makan zirafah tersebut.

Antara pencapaian yang telah diperoleh sepanjang pengajiannya ialah pada tahun 2015

- 12th World Mathematics Competition di Bandung, Indonesia 2015 : **Bronze Medal**
- 13th World Mathematics Competition di Sattahip Naval Base, Thailand 2016 : **Bronze Medal**
- Pertandingan Liga Memanah Tradisional Kebangsaan di Sadong Jaya 2018 : **Tempat ke-4**
- Taekwando Malaysia (WTF) : **Blue belt**
- Majlis Musabaqah Hafazan Al-Quran peringkat MATTARY 2018 Kategori Juzuk 26-30 dan Juzuk 1-3 : **Tempat Pertama**
- Pertandingan Memanah Terbuka CUT Archery 2019 di Pulau Pinang : **pelapis Sarawak**
- Program Sukmatty 2019 : **Olahragawan Lelaki Kategori A**

Semoga adik Awang Ihsanuddin menjadi contoh yang terbaik kepada semua murid MATTARY dan membesar menjadi anak yang berakhlik dan berjaya dengan cemerlang pada masa akan datang



Gambar kenangan bersama keluarga sewaktu menyambut Hari Raya 2019 .

# Profil Pelajar TATTARY



**NAMA :**  
**AISYAH SAFIYYA BT  
KAMARULARIFIN**

**TARIKH LAHIR:**  
**4 DISEMBER 2013**

**TEMPAT LAHIR:**  
**HOSPITAL UMUM SARAWAK**

Adik Aisyah pada masa ini belajar bersama rakan-rakan di kelas 6 Cerdik yang dibimbing oleh Cikgu Sabrina Izzati, Cikgu Nurazean dan Cikgu Norali. Mempunyai seorang abang dan adik lelaki, Aisyah amat gemar melukis dan mewarna. Menurut ibunya, Aisyah adalah seorang kanak-kanak yang periang, manja, sensitif, penyayang dan suka belajar.

Sifat penyayang itu juga meliputi sayang kepada haiwan dan dia pernah memelihara katak ketika berusia 3 tahun. Walaupun kebanyakan kanak-kanak amat gelis dengan haiwan tersebut tetapi Aisyah tidak menunjukkan reaksi yang sedemikian.

Anak bijak ini menggemari buah strawberi dan akan menyukai apa juar jenis makanan dan minuman yang berdasarkan buah tersebut seperti jus, kek strawberi dan sebagainya selain makanan tempatan iaitu roti canai, mi kolok dan kuih bahulu. Tidak ketinggalan dengan kanak-kanak perempuan lain, Aisyah juga meminati warna merah jambu serta menonton rancangan kartun seperti Disney Princess, kartun Larva dan siri Marvel Superhero.

walaubagaimanapun, dia tetap tidak mengabaikan pembelajaran hafazannya dengan mengikuti dengan tekun kelas hafazan dan bazaar asas Al-Quran di dalam kelas. Aisyah bercita-cita untuk menjadi guru yang penyayang bila dewasa kelak dan menyebarkan kasih sayang kepada sesama insan untuk menjadikan dunia ini lebih baik. Semoga Aisyah dan kawan-kawan terus berjaya pada masa hadapan, in shaa Allah.



Gambar kenangan bersama keluarga sewaktu menyambut Hari Raya 2019 .



Bergambar bersama guru-guru dan rakan kelas 6 Cerdik semasa Sambutan Ramah Tamah Hari Raya 2019 baru-baru ini.

## Sudut Hafiz Cilik

### KISAH ASHABUL KAHF

Kisah ini berlaku pada zaman Raja Diqyanus. Kisah ini disebutkan dalam Al-Quran dari surah Al-Kahfi mulai ayat 9 sehingga ayat 26. Kisah ini dinamakan atas kesetiaan tujuh orang pemuda yang taat dan patuh kepada Penciptanya. Kisah ini dinamakan sempena kelompok kecil ini sehingga Allah menjadikan kisah ini sebagai ibrah atau teladan kepada kita umat Islam untuk terus perpegang kepada keimanan kepada Allah.

Kisah penghuni gua ini bermula ketika Raja memerintah dan memaksa rakyat untuk menyembah berhala. Apabila raja mengetahui ada sekelompok pemuda yang ingkar dengan perintahnya, maka Raja mengarahkan tenteranya untuk menangkap dan membunuh tujuh pemuda ini. Atas desakan pemerintahan Raja tersebut, maka tujuh pemuda mlarikan diri untuk menyelamatkan aqidah mereka sehingga lari ke kawasan terpencil dan telah bersembunyi dalam sebuah gua.

Firman Allah ayat 10 dari Surah Al-Kahfi :

**"(Ingatkanlah peristiwa) ketika serombongan orang-orang muda pergi ke gua, lalu mereka berdoa: "Wahai Tuhan kami! Kurniakanlah kami rahmat dari sisiMu, dan berilah kemudahan-kemudahan serta pimpinan kepada kami untuk keselamatan agama kami"**



Tujuh pemuda ini duduk di dalam gua sehingga tertidur dan Allah telah mendurkan mereka selama 309 tahun. Seperti yang disebutkan dalam ayat 11, Surah Al-Kahfi :

**"Lalu Kami tidurkan mereka dengan nyenyaknya dalam gua itu bertahun-tahun yang banyak bilangannya."**  
(Al-Kahfi : 11)

Dalam kisah ini juga bercerita tentang betapa citanya para pemuda tersebut dengan agama mereka hingga mereka lebih memilih mlarikan diri, bersembunyi di gua dan meminta pertolongan kepada Allah. Jika difikir secara logik akal, maka kisah dan cerita tentang Ashabul Kahfi termasuk suatu kejadian pelik, luar biasa dan menakjubkan. Tiada manusia yang dapat menjelaskan bagaimana ada orang yang boleh tidur sehingga ratusan tahun tanpa makan dan minum. Namun bagi orang yang beriman dan meyakini Allah bahawa tiada yang mustahil jika Allah menghendakinya demikian.

Allah gambarkan kisah Ashabul Kahfi ini golongan muda, bukannya orang tua-tua. Pengajarannya adalah kita perlu mendidik anak-anak kita sejak muda lagi. Tujuannya adalah untuk melahirkan pemud-pemuda yang beriman kepada Allah dengan seteguhnya.

Justeru marilah kita melakukan amal kebaikan dan menjadikan kehidupan sebagai suatu cita-cita luhur bagi meraih kebaikan dunia atau akhirat. Insya'Allah.

## POSTER KATA-KATA MUTIARA

### Apa Yang Harus Kita Sombongkan ?

*"Tidak akan masuk syurga orang yang dalam hatinya terdapat kesombongan walau sebesar biji sawi"*  
Hadis Riwayat Muslim





**BORANG PENYERTAAN KELAS AL-QURAN DEWASA**  
**ANJURAN PUSAT PENGAJIAN AL-QURAN TUN ABDUL-RAHMAN YA'KUB (PATARY)**

**PERHATIAN:**

- I. Silakan boleh dengan tulisan yang telak dan benar-benar
- II. Sila setujui 1 salinan kad pengenalan.
- III. Yuan Penyertaan diketahui RM 50.00 tetapi bukan
- IV. Bayaran yuan hendaklah dibuatkan pada sesaat awal bulan

UNTUK KEGUNAAN PEJABAT:	:
NO. REST:	:
TARIKH TERIMA:	:
TARIKH/COP TERIMA:	:

**MAKLUMAT DIRI**

NAMA:	:
JANTINA:	:
NO. KAD PENGENALAN:	:
TARIKH LAHIR:	: (PUAN DAYANG MIZAWATI BINTI ABG TAHA) —
UMUR:	:
ALAMAT:	:
NO. TELEFON:	:
TARAF PENDIDIKAN:	:
ALAMAT MAJIKAN:	:
PEKERJAAN:	:

**KELAS YANG DIPOHON**

**SILA TANDA '✓' PADA YANG BERKENAAN**

KELAS ASAS:	:
KELAS PERTENGAHAN (TA'AWUDI)	:
KELAS MAHIR (TARANNUMI)	:

**PERAKUAN PEMOHON**

Saya mengaku bahawa semua keterangan di atas adalah benar dan akan mematuhi syarat-syarat yang ditetapkan oleh pihak pengajur.

Tarikh : \_\_\_\_\_ Tandatangan : \_\_\_\_\_

UNTUK PERTANYAAN SILA HUBUNGKU :  
 NO. TEL : 082-443232 / 082-449813 (PUAN HARYATI BINTI MOHAMAD) / PUAN DAYANG MIZAWATI BINTI ABG TAHA  
 NO. FAX : 082-449815

**RM100.00 SEORANG**

**BORANG PENYERTAAN**

\* Sila lengkapkan ruang kosong dibawah. Borang yang tidak lengkap akan dicadangkan.

NAMA:	:
NO. KAD PENGENALAN:	:
TARIKH LAHIR:	: (silakan tulis tarikh kad pengenalan anda)
UMUR:	:
ALAMAT:	:
NO. TELEFON:	:
TARAF PENDIDIKAN:	:
ALAMAT MAJIKAN:	:
PEKERJAAN:	:

UNTUK KEGUNAAN PEJABAT	:
NO. REST:	:
TARIKH TERIMA:	:



**KURSUS**  
*Dre Perkahwinan*

ANJURAN: LEMBAGA AMANAH KEBAJIKAN MASJID NEGERI SARAWAK  
 DIKIRAKOZ OLEH: JABATAN AGAMA ISLAM SARAWAK (JAYS)